



En mercui, ai 14.03.2012 complësc **Angela Costa** da Pransarores **94** agn y en jöbia, ai 15.03.2012 **Paola Valentin** da Pransarores **82** agn. L'Seniorenclub y düta la Comunità de Badia aoda a tramesdües sanité, ligrëza y benedisciun de Dî.

L'KVW Badia mët a jì cursc de inglesc partis sö te 5 livì. I prüms dui mët man ai 26 y ai 27 de merz, un a mez aurì y dui ai prüms de mà 2012.

Vigni curs à 10 leziuns de dües ores (dui iadi al'edema) y l'prisc é de 70 € (60 € por iscrié al KVW). Por informaziuns y prenotaziuns cherdede sö Cristina (tel.0471/839657 o 3331591599).

Jun a pé cun l'KVW: en mertesc, ai 13.03.2012 dales 09:30 se abinùn dan Ciasa Runcher por jì a Falzes olache fajarun na spazirada panoramica nia sfadiosa. Recordesse da se tó do val' por la marëna. Informaziuns plö avisa se dà laco (0471/839772)

Referat: la biblioteca Sas dla Crusc inviëia en sabeda, ai 17.03.2012 dales 20:00 tla sënta a Badia al referat y ala prejentaziun dl liber dl chirurg dr. Vida Vladimiro "*mia esperiënza sciöche cardiochirurg di mituns tl Guatemala*". Düc é bel invià.


La Uniun Patrones Badia mët a jì n curs da "filzen" por mituns dla 3.,4.,5. elementara y 1.,2. mesana ai 17.03.2012 dales 14:00 te Ciasa Runcher. Prenotaziuns pro Gabi al nr. 339-6009096.

Contribut por la Cûra: chisc dis vëgnel menè fora les lëtres che präia *vigni familia* da dè n contribut por nosta Cûra (*païamënt dl mone y atri survisc, scialdè dljia y calonia, assicuraziuns ecc.*). Sperun che **düc** se recordes y n gran giulan y Dî s'al paies bele danfora.



*Leer werden
für Neues.*

*Aufbrechen,
um neue Wege
zu gehen.*



Usc dla Cûra

BADIA

Tel./Fax 0471 839571 - E-Mail: parrocchiabadia@libero.it - www.valbadiaonline.it

Nr. 16

Edema: 11.03 - 18.03.2012

Vangele dla Dumënia che vëgn - IV°de Carsëma dl ann B

Dal Vangelo secondo / Evangelium nach - (Joh 3, 14-21)

In quel tempo, Gesù disse a Nicodèmo «Come Mosè innalzò il serpente nel deserto, così bisogna che sia innalzato il Figlio dell'uomo, perché chiunque crede in lui abbia la vita eterna. Dio infatti ha tanto amato il mondo da dare il Figlio unigenito perché chiunque crede in lui non vada perduto, ma abbia la vita eterna. Dio, infatti, non ha mandato il Figlio nel mondo per condannare il mondo, ma perché il mondo sia salvato per mezzo di lui. Chi crede in lui non è condannato; ma chi non crede è già stato condannato, perché non ha creduto nel nome dell'unigenito Figlio di Dio. E il giudizio è questo: la luce è venuta nel mondo, ma gli uomini hanno amato più le tenebre che la luce, perché le loro opere erano malvagie. Chiunque infatti fa il male, odia la luce, e non viene alla luce perché le sue opere non vengano riprovate. Invece chi fa la verità viene verso la luce, perché appaia chiaramente che le sue opere sono state fatte in Dio».

Jesus sprach zu Nikodemus: Wie Moses die Schlange in der Wüste erhöht hat, so muss der Menschensohn erhöht werden, damit jeder, der glaubt, in ihm das ewige Leben hat. Gott hat die Welt so geliebt, dass er seinen einzigen Sohn hingab, damit jeder, der an ihn glaubt, nicht verloren geht, sondern das ewige Leben hat.



FUNZIUNS SACRES

11.03. III. DUMËNIA de CARSEMA - ANN / B

10.00 S. Mëssa por la Comunità

15.00 Via Crucis

18.00 †to Guido Dapunt

por les families de Trinele Pizzinini/Valentini

por les animes dl purgatore

12.03. Lünesc (*mëssa cun i crejimà*)

19.30 †to Emilio Costisella

†to Davide Valentin

†ti Silvia y Giuseppe - aniversar



13.03. Mertesc (*mëssa por l' Senioreclub*)

14.00 †to Alfonso Irsara

por les animes dl purgatore

ad intenz. de Siur Heinrich Videsott

19.30 Via Crucis (*cun Legio Mariae*)

14.03. Mercui

07.25 por la fam. Tarina Valentini / Coldanvi

por la fam. Tone y Rosa Piccolruaz

vis y †ti de Monica Saning/Valentin



15.03. Jöbia

07.25 Laudes

16.03. Vëndres

07.25 †to Linert Pitscheider - aniversar

por la fam. Franz y Maria Irsara - Cialaruns

por la fam. Winkler - Atlantich

18.00 Via Crucis (*cun la Schira Jonila*)

17.03. Sabeda

16.00 S. Mëssa a Oies

18.03. IV. DUMËNIA de CARSEMA - ANN / B

10.00 Mëssa por la Comunità

15.00 Via Crucis

18.00 †ti Senoner.

ad intenz. de Fefa Tavella en ringraziamënt.

†ta Regina Canins


Dala VITA dla CÜRA



Curs de preparaziun al maridè: L'Sorvisc ai Jogn Val Badia organisëia n curs de preparaziun al maridè. Al mët man le vëndres, ai 23.03.2012 dales 20:00 y se rüva la dumënia, ai 25.03.2012 do marëna. Tó pert po 20 përs y l' cost é de 120,00 € a pë. Infos y prenotaziuns te Sorvisc ai Jogn al nr. 0474/523070 o E-mail a info@jogn.org çina ai 17 de merz.



Preparaziun al BATO: En sabeda, ai 24.03.2012 dales 15:00 ales 17:00 gnaràl tignì te Ciasa J.B.Runcher n domisdé de preparaziun al Bato por düt l'Decanat dla Val Badia. Invià é duc i geniturs, i përs, i toç y les totes che à n müt da batié. Prenotaziuns te calonia al nr. 0471/839571.



Senioreclub: al se abina en mertesc, ai 13.03.2012 dales 14:00 te dljia da S.Linert por la S.Mëssa olache al gnarà inçe dè l'Sacramënt dl Öl Sant. Dedô é duc dër bel invia tla Ciasa dles Uniuns por la festa di complagn.

Oraziun de Taizè: ala vëgn indò tignida en vëndres, ai 16.03.2012 dales 20:00 tla Capela da Oies. Duc é dër bel invia a tó pert.

Festa de S.Ujöp: en lünesc, ai 19.03.2012 dales 19:30 S.Mëssa con istruziun por la Uniun di Èi.

* * * * *

Recordun inçe la "Bibelrunde" vigni lünesc de Carsëma dales 20:00 te Calonia.

Grup Jogn: chëst'edema sarà le local di jogn davert en lünesc, ai 12.03.2012 dales 13:30 ales 15:30 y en sabeda, ai 17.03.2012 dales 18:00 ales 22:30 olache duc i jogn/jones danter i 11 y i 18 agn é invia a gnì a passè l' tēmp lēde deboriada pro na cartada, na partida a "calcetto", n film o atra ativité. L'Sorvisc ai Jogn ves aspeta y podëise gnì y jì canche orëise.